



Unioni de is Comunas de su Partiolia e de su Campidanu de Bàsciu

Progetu "Sa Lingua Sarda 2", Avisu TuLIS - Annualidadi 2023



Comunu de Barrabi



Comunu de Partolla/Sici



Comunu de Donori



Comunu de Sordiana



Comunu de Sètimu



Comunu de Solèminis



Regioni Autònoma de Sardigna - Lei 482/99 e L.R. 22/2018



Comunu de Donori

Ex Monti Granàticu

Su ex Monti Granàticu est unu intre is fàbricus prus bècius chi ddoi funt in su Comunu de Donori.



Indiritzu Bia Luigi Einaudi, 09040 Donori SU, Italia

Su ex Monti Granàticu est unu intre is fàbricus prus antigus chi ddoi funt in su Comunu de Donori. Unu fàbricu chi est stètiu sempri unu logu de primori po is fainas de sa comunidadi donoresa, siat in su passau, che a magasinu de trigu, siat in dì de po che logu po is atividadis culturalis de sa bidida. Fraigau a cumintzu de s'Otuxentus de sa famìllia Loy Ruda cumentu magasinu po su laori insoru, in is annus 20 su Comunu de Donori si dd'iat pigau po fraigai unu depòsitu de trigu. In cussus annus a intru iant fraigau (a faci de s'arruga) un'ufitziu de pesai su trigu de amuntonai. In is annus 30 s'ingenieri Mereu iat fraigau sa Domu Comunali e iat aconciau sa faciada de su Monti Granàticu. Ambas duas is struturas sighint su stili de s'architettura liberty de cussu tempus.

Sempri in is annus 30 ant furriau una parti de sa strutura in sala de ballai e teatru. In is annus 50 is aposentus de su pianu terra ddus iant impreaus che uffizius de crèditu. In is annus 80 totu su fràigu dd'ant arrecasciau a nou, e cussus traballus ddus iant fatus po amellorai s'impreu de su logu.

S'ùrtima arrecasciadura dd'ant fata in su 2010, a intru e a foras de sa ex Domu Comunali e de su ex Monti Granàticu. Su monti amostat una pomentadura noa e unu palcu nou.

In sa parti de aintru ddoi est una lolla cun forma de triàngulo, ingiriada de duus fròigus principalis e unu secundàriu. Imoi su fàbricu allogat unus cantus assòtzius de bidda, sa ProLoco, su sindacau e s'Assòtziu Volontàrius Donori (AVD), mentras su Monti Granàticu allogat atividadis culturalis e atras initziativas.